

蓓蕾集



黑
報
社
存
閱

黃海松先生

二
信
書
函
集

仁工



總號	0214
分類	文藝
編號	10184



東
君
公
人
敬
贈


MG
I226
570



題蓓蕾集

余素不善詩詞。然常喜品評古人之作。其旨歸之風雅。以新樂而不淫。哀而不傷也。修齡之作。余向讀其憶梅葦臙稿。即驚其有風雅之遺音。今讀蓓蕾集。更知予向之所見不謬。誠能發揮風雅。有詩人之旨焉。昔東坡稱韋柳之詩。發纖濃於簡古。寄至味於澹泊。今以之評修齡之作。誠足以當之。或謂修齡語多出香奩。但未讀其兩嬌女篇之馳逐子美耳。民國三十三年五月孫儉工謹識

蓓
蕾
集



A389578

卷

一

第

一

蓓蕾集

賈修齡著

鷓鴣天

題憲嘉敏芬
合拍小照

曲檻迎風景物和。一調絃索一高歌。頻將喜氣眉間認。幾頓腰裙最薄羅。枝未折。水初波。繡屏濃畫粉痕多。斜川清興應難似。同譜新詞費琢磨。

虞美人

深沉院落簾初捲。墜葉隨風亂。玉階啼殺怨寒蟬。喚起隔年幽夢薄於霜。花前把盞人猶在。肯放香盟壞。草光蕉影足徘徊。時有翻飛蝴蝶一雙來。

鷓鴣天

蓓蕾集

蘼月蘆花耐薄寒。柔情千疊語更闌。鶯鶯絃上調嬌語。紫鳳襟前戲嫩歡。愁入骨。酒開顏。新詞脫口雜辛酸。憑將宛轉雙描字。換取玲瓏九轉丹。

荊州亭

寒江晚照

幾點輕鷗掠水。到眼麥苗如薺。斷岸對斜暉。猶自楓紅柳翠。天半雁聲雲瘴。淺渚歸帆難繫。詩思捲寒潮。同入葦邊煙際。

題易卜生傀儡家庭

矢口呼雲雀。娜拉未可妻。情寧分利害。愛亦辨高低。守法行皆妄。從人性定迷。相投膠漆喻。至樂繫中閨。

南鄉子

題相

紅日映窗明。重整新妝酒半醒。翹首風前舒一笑。盈盈。絲髮低翻兩

鬢輕。簷底弄秋聲。入畫瓊玕。瘦影橫。纖手拈來雙个字。青青。倚竹胸懷似水清。

虞美人

若珍前言將折梅花贈余。以詞問訊。

小園日日尋花徧。紅萼初相戀。曉風約樹未全開。却有鶯人消息報春來。胆瓶舊愛吟香句。密密將紗護。忍寒珍重取橫枝。莫損一林生趣剪裁時。

與基論奧爾珂德所著小婦人中諸人物

因成序

舉止矜梅格。難忘綺夢心。却將雙玉手。何處擲黃金。颯爽誰堪挾。攤書蜀鳥歸。匣中膏沐在。鬢髮任飄蕭。我愛無言美。勤勞說珮絲。頰看脂潤處。琴撫淚流時。

美能工畫。人稱拉裴兒。文藝復興時
代名畫家。自私心益長。巧盼許潛窺。

浣溪沙

小影珍藏莫浪拋。許將愁緒付眉梢。畏寒重與絮征袍。酒入鳳樓中
搵淚。歌傳鷓鴣塞雪。愁意。月明聞笛幾魂消。
斷線珍珠似淚傾。海天深處見雲英。盡捐前隙理前盟。常向短窗投
倩影。慣從遠夢測濃情。寒宵手札認分明。

更漏子

粵梅花
鱖魚圖

武陵路。迷煙樹。洞口漁舟何處。溪浪急。岫雲寒。釣絲朝暮閑。
春風面。桃花片。芳草晴光兩岸。紅半落。綠新鋪。噓波雙鱖魚。

以綠梅稚枝一握分贈淑梅

持贈無他品。相娛只有花。枝開苔點點。瓶插玉些些。淺笑初難覩。
平分漸欲諱。綉簾春色好。長護綠成霞。

贈別

一語猶能出。相期阿定安。

詩語譯音意謂願天佑汝直至我輩再見之時

愁深眉自蹙。恨積淚頻乾。

歡樂人家痛。崎嶇世道難。分攜梧石院。重對夜漫漫。

重別

生恐飄蕭雨。來時溼茜裙。決旬重別我。一日苦留君。酸語聲常咽。
深談恨轉殷。湖山堅舊約。熱草又紛紛。

卜算子

同人東湖探梅之約。一再爽期。因於晴日獨往。歸途得此。
寫示係真黃州。淑梅尚貞漢口。芝湘施南。

輕隣屋角姿。遠見籬邊樹。幹老花妍水一灣。和靖銷魂處。香味撲襟來。豔色迎人去。蝶醉蜂痴雀亦喧。盡曉閑中趣。

紅已爛如霞。綠未開成綺。省識春風厚薄心。愛極還相棄。湖畔覓前踪。樹下評新製。繞徑明朝驟雨過。怕有盈盈淚。

抱冰堂新種紅綠梅花六七十樹開時色俱

絕予於薄暮遊此得一絕句書示基姚文金

粉塗脂染映殘霞。百樹林腰望眼遮。桃杏也饒香不斷。要從風韻辨梅花。

清姿原合伴煙霞。瘦竹雲根未許遮。拂袖香濃知坐久。微風吹得滿身花。

浣溪沙

戲語何因起事端。無心昭德布疑團。背人情話謫屏山。寒到北枝花

也瘦。春來南國豆偏開。同傾熱淚各辛酸。
鵝李夭桃未足誇。春風湖上看成霞。鸚鵡裘典爲帶花。坐待葉生枝
更好。不輸紅綻綠尤佳。情深誰惜酒頻賒。

臨江仙

踏碎瓊瑤儻錦墊。衣飄香霧重重。照花明鏡影誰同。削柑濃解酒。拋
豆遠飛鴻。疊疊書薇雙綉枕。床前笑唾紅絨。春寒何事怨東風。翠
屏金閃爍。鴛被玉玲瓏。

再以紅綠梅枝一束分贈淑梅淑貞

紅綠花如錦。春梅兩渡江。縱鏡高士韻。羞對美人龐。綉閣風知暖。
書幃影定雙。吮毫修短札。新句肯心降。

浣溪沙

乳燕初飛着意嬌。春風楊柳舞纖腰。溪山深處駐雙橋。葉長豆苗新綠滿。枝橫梅萼舊紅凋。勝遊重話可魂銷。
江上楊枝綉不如。縱遊端合在春初。迴腸百結一封書。別意可堪隨處有。花時還擬再來無。瓊瑤欲報總成虛。
形跡都忘兩意融。忽如泉湧語難窮。麝蘭香動五更風。漫有詩篇隨吐鳳。不將身段擬游龍。勝伊韶秀是心空。
已病何堪再渡江。三分瘦損想嬌龐。他他難覓語留香。忙裏休嗔書草草。春來應見燕雙雙。次公誰說醒能狂。

小重山

與若珍同
同遊石洞

青篛交枝覆峭崖。小孤窺一角。碎香鞋。小孤山亦名鞋山入林樵路半雲埋。晨曦薄。石隙影微飾。洞口挈衣來。潺潺流水遠。好花開。仙輝終古

隔氣埃。桃千樹。一徑比紅腮。

南鄉子

櫻花盛開與李蘭芝
英君珍其姚同遊

一徑午風吹。如雪花飄亂點衣。不是枝頭香味好。微微。爭引遊蜂結隊飛。回望眼都迷。草簇穿球錦綉圍。白李紅桃誰錯認。依稀。雛鳳雙笑語歸。

題美人禪圖

燒一爐煙。旁置桃花貝葉。爲攝一影。名曰美人禪。並題詩其上。

夢醒繁華佛債靈。無言低首問娉婷。紅顏命薄修來世。一炷爐香一卷經。

此是紅粧入道時。爐煙貝葉共矜持。芳魂一縷眞難住。招展臨風可自

知。

清平樂

與精一同遊
中山公園

嬉春鶯燕。水閣闌邊見。料峭東風初拂面。點地落紅輕軟。渡頭新柳殘霞。聲聲柔艣呼啞。恰好一叢綠葉。夕陽照到桃花。

浣溪沙

午夜重吟憶昔詞。如煙舊夢不堪思。桃花人面認依稀。熱語向人情勝火。柔波剪水淚成絲。相憐猶怯况相欺。亞字欄前笑臉紅。高跟鞋樣最玲瓏。一枝柔柳舞東風。日暖春深花濺臙。窗明人靜語惺忪。別情無奈晚煙濃。

好事近

抱冰室展上巳修
禊拈韻得白字

吹破一山雲。春雨欲來風逼。便把輕衫溼透。只露痕花跡。名園愛

儂記流鶯。

往歲子梁太夫子曾約修禊海上愛個園

感慨添今昔。忍向新亭洒淚。怕等閑頭白。

勝事永和年。共道佳詩無一。

予與季雍丈會話及此事

此日風流想像。只蘭亭墨跡。

東城修竹繞崇山。廣雅應分席。酌取蜀江春水。看飛箋浮白。

浣溪沙

題好妻子傘下

兩樣心腸費白描。柔情難吐暗生潮。怪伊羞澀讓伊驕。俗見盡刪貧可愛。遠離終耐淚先拋。人間奇福雨飄蕭。

鷓鴣天

於養雲山莊玫瑰園爲淑梅攝一影。並綴以詞。

咳唾曾傳錦綉詞。雲山深處發奇思。寒裳偶向花間住。羞澀臨風玉萬枝。鷓可狎。酒堪攜。重來應待綠陰滋。書生幾輩東湖長。君復扁

舟事莫遠。

歸自卓刀泉春寒釀雨天意茫茫又手微吟

得一短律

遙指前村路。陰森景更饒。山低橫屋角。林黑壓隄腰。柔柳飄香暗。微風趁雨驕。輕裝寒意在。一刻可凌霄。

眼兒媚

懸珍愛納蘭容若淡白梅花詞。並能低度其聲。予爲和成此闕。
兼柬悶程璞如。

鹿眼編籬護曉妝。慵着薄衣裳。玉肌瘦損。冰容清淡。未肯窺牆。
臙脂色膩輕桃杏。笛譜覓伊涼。似水情懷。和煙風韻。人在書窗。

清平樂

湖遊沙

兩餘春瘦。一碧煙籠柳。堤上心潮隨浪皺。消受和風滿袖。相尋小
蝶紅花。沿村芳草抽芽。明日釣筒辦得。折枝先串魚蝦。

攤破浣溪沙

題小仲馬
茶花女

等是聰明等是痴。浮萍身世藕花姿。情種若教求赤縣。只覓兒。微
命總輕還淚日。沉冤難白斷腸時。畸士心肝孤女恨。問誰知。

浣溪沙

題莎氏悲劇羅
米禾與朱麗葉

何事人仇累我情。酸心熱淚自縱橫。千年重壓葬傾城。一去定知生
可死。再來猶信死能生。莎翁椽筆不平鳴。

好事近

約淑梅基姚清話。以詞代柬。

雨過長苔痕。庭院一方新綠。養靜胡床久據。看雙桐如沐。樹根啣

唧唧蟲鳴。商意繁心曲。清話槐陰日轉。待幽人芳躅。

菩薩蠻

夜窗愁對蛩聲急。雲邊雁去空消息。凝睇話更長。羅襟茉莉香。層
層新網密。綺語和情織。歸月沉西。榆關未寄衣。

金萱初放枝頭顫。陰濃閨苑輕飛燕。鏡裏合歡圖。聯吟傍短裾。瑣
窗簾捲午。蟬噪人無語。鮮豔一絲霞。嬌龐紅勝花。

髮翻屏角輕雲綠。眉長慣作春山蹙。痴語笑檀奴。單衫着裏無。香
羅裁九尺。恰稱腰身窄。折取好花枝。量他新製衣。

石欄一笑遙相見。重門不掩桃花面。睡起怯微寒。西風擁翠鬟。嘶
纏噴帽影。晝變迷香徑。嚼罷齒生涼。新橙味帶霜。

樽深常讓花枝遠。迴廊輕度鞋兒小。一盞醉如泥。濃情密贈伊。倚
床修短札。玉手香搖箑。月冷酒旗風。歡淚憶夢中。

五絕句

西風無意掠瓊窗。驚醒雙棲燕一雙。不似昭陽矜瘦影。略將圓月寫嬌

龐。

窈窕眞宜荳蔻描。垂楊莫繫女兒腰。夷光國色今番見。一片嬌紅上臉

潮。

小語籬邊麝有香。幾因春夢轉柔腸。借來十萬通天帝。忙煞機頭報七

裏。

道是堪親不易親。美人生性慣含嗔。去娘自詡工留粥。一啜河東味帶

辛。

鏡日相尋小住佳。電忙言懶慢安排。晚涼庭院都無語。低首風前試錦

鞋。

浣溪沙

奇跡尋從默契難。一絲微笑眼珠圓。光生皓齒貝奴編。腰細自憐情
蕩漾。衣長不碍態安閑。傾懷常在水雲間。

黃蝶飛飛繞徑斜。暖風和日着輕紗。安琪玉貌總輸他。清脆品聲枝
上鳥。天橫分影鏡中花。天台重到夢應賒。

艷發姿容淺笑逢。腰肢微顫髮輕鬆。衡湘游興問誰同。未肯染脂汚
秀鬢。不因裝夾掩酥胸。入時鞋樣認幫空。

乍見能教意也痴。倚欄一任說相思。尹邢何苦嫉蛾眉。水到湘潭應
小住。山尋岳麓數前期。不將遊事語儂知。

欲把閒愁付柳梢。濃陰不繫紫騮驕。蹉跎一事未能豪。紅粉詩情惟
旖旎。香裙風味首苗條。月明何處玉人簫。

醜奴兒

温存散得愁如海。野徑秋濃。霜葉翻紅。秀貌柔姿蕩晚風。天涯若

比占泥絮。雲戀巫峯。目斷征鴻。別夢依依畫閣東。
初歸寫出懷人句。蝶夢雙飛。燕夢雙棲。綉閣香凝字跡肥。
絳唇玉貌差相似。春透花枝。胸皺羅衣。袖緊還將藕腕圍。
香羅不把春光掩。襯服新裁。領扣微開。顫動花枝粉蝶猜。
愛河短楫雙眸子。渡得人來。放得人回。盡日溫存傍鏡台。
個儂病來三徑。一院花陰。萬縷情深。待取新詞當診金。
疑雲頓釋闌香語。長日堪尋。何處愁侵。憔悴秋風恐不禁。
不忘只有心難見。一隔銀河。互怨蹉跎。晴日紅巾雨驟過。
海棠開了秋無價。花畔輕歌。闌外橫波。萬頃清光記得麼。

題紅窗覓句圖

寶鏡花前後。香囊暖有無。拓窗風日好。染翰性靈殊。
晝裏傷時淚。春中記事珠。醉人迴一笑。蘭麝出胸酥。

題正瑤小影

正瑤於丙子秋攝影於鍾山下白石闌干之側。其明年當倭寇轟炸首都最烈時。爲題此詩其上。

翩然小立趁餘閒。又手風前展笑顏。底問六朝興廢事。驚濤莫撼紫金山。

鷓鴣天

屢吐春蠶未了絲。凌波縹渺見仙姿。誰堪對影背高處。猶似懷人岳頂時。情宛轉。意矜持。鷓鴣一舸媚西施。西風桐葉蕭蕭雨。夢醒孤衿淚滿頤。

初於淑梅案頭見蠟梅

一事都難俗。瓶花我亦奇。菊猶開萬點。梅已插三枝。對影春微燠。同名愛頗私。較量香蠟樣。不及蠟頭姿。

李後主揮淚對宮娥之詞頗遭非議予謂後
主此時情景非有亡國之痛者不能知也乃
爲作三詩以解之

愁如春水未能量。亡國匆匆更可傷。獨恨腐篇燒不盡。宮娥揮淚詆降
王。

不堪翰墨競營私。藥賜牽機事可知。

後主於太宗朝因南唐舊臣徐鉉之私訪以牽機藥賜死

滿眼臣工看

已盡。玉皇辭廟更同誰。

消愁亘古賴青蛾。坡下虞兮可和歌。萬種悲涼千種恨。一時收拾付宮
娥。

往抱冰堂小羅浮探梅至則百樹含芳一枝吐
艷風光猶舊而襟抱已殊感事懷人合成兩律

一枝梅獨發。俊賞少同心。襟袖憐清淚。雲山悔苦吟。劫深人易散。
別驟酒難尋。消息江南好。勞君寄玉音。
哽咽函中語。淒涼帳下歌。離羣堅白水。念母損青螺。浩劫誰當免。
餘生我已多。蒼茫增百感。雙淚爲伊沲。

武昌離席

附耳聞酸語。行時當再來。早知逢月缺。爭忍見花開。有恨難填海。
無心可認灰。狂飈吹不散。愁結首頻回。

臨江仙

登樓示
同游

淡遠畫圖開片幅。雨消煙斂山青。江流如練樹縱橫。新亭傷景物。撫
檻發幽情。怒放鴛桃勞指點。紅枝慣拂輕盈。舊狂勤理壯心驚。木
蘭求駿馬。道濟許長城。

至黃花崗展七十二烈士墓

歲歲黃花節。孤山土更香。白雲山起伏。遙望感蒼茫。

便失陰陵道。諸烈士入符署後以不知總督張鳴岐所在搜索過久致被全職成仁豈偶然。只今遺像滿。猶勝

繪凌煙。

亭午榕遮日。風微竹送涼。豐碑不忍讀。一瓣炷心香。嶺表英名在

。休憑汗簡誇。裏弘餘碧血。長發木棉花。崗上木棉花為嶺南特產

南歌子

贈閩

別緒雖難見。行蹤尙易知。朵頤深夜快談時。回憶關山會隔幾驚疑。羅襪陳王賦。荷衣屈子辭。風華絕妙更工詩。却對湘潭巾幗愧顰眉。

四月七日台兒莊大殲滅計劃成功喜作

一戰坦能堡。德於坦能堡大殲滅俄軍奇收殲敵功。板垣精銳盡。磯谷智能窮。是役板垣

磯谷兩師團幾全軍覆沒為日本精銳正規軍磯谷又號支那通沂水降幡白。蓬山墮淚紅。汗青先偉績。大國

有雄風。

虞美人

一春易做昏騰夢。夜雨殘燈共。言愁說病未歸來。欲寄長函生恐玉人猜。淺紅深了深紅落。上苑餘離索。啼鴉苦苦怨東風。不道鶉啼芳草盡成空。

似吞還吐情難抑。片語雙行覓。西來過我許綢繆。野徑風輕回上木蘭舟。浮沉便擬噴魚雁。久放壻生懶。叮嚀祖帳綠楊橋。莫負一川明月半林簫。

行香子

莫春乞假返里。阿兄招遊田野間。約略指點生事。慨然有歸焉之志。

側帽從容。田野交風。望妻孥柳外橋東。暫籌歸計。小作村農。看一

池魚。兩園竹。四山松。井甃飄蓬。未計窮通。問何如種豆栽菘。
秧針插水。麥浪浮空。數千株桃。百樹棗。萬棵桐。

卜算子

花鳥鬧窗前。笑語喧簾裏。若把芙蓉比玉容。曉日初澄水。拋擲
去虎狼心。沒羽鴛鴦翅。留恐無名送更難。搔首臨歧意。

鷓鴣天

剖得雙魚竟日愁。洞庭西望挽行舟。春風有約連朝誤。曉月啼鷄上挖
樓。花正好。恨難休。晴川芳草待重遊。定知昔昔容光減。淚枕紅
綿未易流。

以白玫瑰瓣書詩寄保真

瓊花乍落誰能葬。百里飛緘寄我詩。素潔已輸蘭蕙質。更憑何物壓蛾
眉。

浣溪沙

禁得瑤函雪片來。愁如江水劉難開。月明花放憶人纔。早識石頭非病酒。不堪行藥更生苔。春衣肥瘦幾番猜。

菩薩蠻

五月十五夜覆德蘭書後。隨得此解。

月光入戶明如晝。珊珊桐影催詩就。想見夜闌時。來函說明晚一時宵花落硯池

。憑欄風物好。報與蛾眉道。一樹石榴嬌。紅分夾竹桃。

善禎姊妹攝影於怡和村爲題詩其上

幾行紅樹繞村居。姊妹輕妝縱目初。知有新亭風物感。天低野闊數棕

欄。予落照詩所謂路逐馬穿欄者卽此地也

採桑子

珠簾玉戶風微掩。寶帳羅輕。蘭麝香薰。種得梅花四季春。
鏡屏前
後光相射。纖步塵生。金縷鞋新。瓠齒蛾眉陋頰人。

題玉清花卉畫幅

匠心獨運格能奇。片石斜依富貴枝。我與此君同面目。每將華髮對蛾

眉。片石
牡丹

盈枝百點寫鮮妍。嶺表名姝貌似仙。明皇時梅
妃莆田人若使此花真不落。一年長
過好春天。紅梅

鵲踏枝

半晌難離魂驟與。柔髮翻風。相覩傾私語。踏地讓君詳看取。新鞋著
意移金縷。人似楊枝情似雨。搖曳無心。飄洒無端緒。皓腕一雙圍

袖處。牽愁愁總空憑據。
暖日香閨含笑見。歲歲春風。吹綻桃花面。綉履錦衣添洵爛。凌波裊
裊輕如燕。浮几一方停染翰。女伴天涯。獨影央人顛。簾捲屏開忙
去慣。明珠盜得防偷換。

菩薩蠻

怡和村野餐後。戲合善楨語成此解。

濃陰不盡枝橫徑。紅牆綠瓦遙相映。涼院畫幽居。籬迎曉日疎。
銀壇人似月。影愛梨瀉蝶。曲沼艷蓮花。羣飛蝶影斜。

浣溪沙

話到將離意又痴。吞聲含淚寫新詩。天涯何處覓枝棲。
低首懺情餘。腴腴。擁衾猜夢牘沉迷。慣因惆悵損嬌姿。

兩日纏綿未肯離。樓前楊柳裊絲絲。桂山蜀水恨難支。
一彈去碎身

拼鐵鳥。君須珍惜我何辭。忍教魂夢覓天涯。

雨中花

中山公園
驟雨別話

亂點湖波驚雨驟。釀不盡濃情如酒。萬里征塵。一痕旅夢。風颭垂絲柳。忍寒莫惜花憊倦。尙巧笑向人回首。綽約輕裝。飄零粗糲。辛苦雙紅豆。

舟近宜都晚眺寄桂林武昌諸友

橫岡如伏虜。阻我上灘船。鬱勃洲心火。蒼茫樹杪烟。孤村懸日夜。新月掛山川。振鬪南溟意。移家獨惘然。

生查子

由橫溪至潯
家河口占

柑橘夾道青。五里盈千。香覓桂花風。濃綠層層護。蝶墜染金衣。棉裂鋪銀絮。重疊隔江聲。西望山如霧。

小重山

夜夢宴客於深山古澗。几席以外。紅梅盛開。霞宙志先合作溪寒梅艷圖。余大醉填詞。諸女弟聯句和之。頃刻而就。詞醒後不能悉記。但記其首三句有雪壓冰膠云云。其調則小重山也。

雪壓冰膠玉作枝。斷崖春一片。獨撐持。凍雲寒水繞疏籬。籬外竹。觴詠倚嬌姿。行止任天機。夢中清峭畫。性靈詩。供人憐寵薄西施。響與笑。日夜素心違。

點絳脣

村居苦雨。襟抱難開。而篁竹數叢。浮煙滴翠。殊有瀟灑出塵之概。

瘦影同環。籠烟響雨添風致。撲襟涼氣。送到深秋味。旅思去慳慳。

。積悶空林裏。知何意。孤舟輕繫。愛此千年翠。

盧騷

客中無書遮眼。內人搜篋以盧騷讖悔錄相示。繙讀未竟。觸緒成詩。

漫將讖悔比名賢。一喜能同愛自然。紅粉有辭空院雨。青雲無路廣庭煙。驚人姓字崇三紀。入海才華匯百川。流浪困窮交友少。天涯把卷鎖相憐。

臨江仙

重過宜昌
故居有感

院冷秋風成一瞥。紫薇翠竹含煙。濃香橘桂夢魂連。短亭持蟹酒。曲檻養魚泉。蹀躞花畦心緒遠。重尋菊隱梅仙。山茶搖露媚娟娟。尊罍空結想。孤棹邈雲天。

南津關

側立巉巖下。雄關萬象吞。江流紛集矢。山勢迅奔猿。霜果垂枝路。風泉漱石村。濯中心胆怯。入峽合消魂。

與精一芝湘若珍基姚重遊二游洞

石裂生青樹。巖崩覆綠苔。清溪輕舫繫。古洞薄雲開。幽勝窮千仞。心胸拓九垓。積年塵俗累。多難此重來。

再題盧騷懺悔錄

盧氏於懺悔錄第八章末。深以此書之不傳為憂。而豈知其永存天壤耶。吁。是可感矣。

天壤常存傑克書。逢源活水會噴渠。心絃交響鄉村卜。鄉村之下盧論藁氏所著曲名窮搜木石居。媚俗未甘尊衛鶴。逼人難忍炫黔驢。林巒深處翰君隱。

惆悵中年尙後車。

棄子贈雙紅豆

業子贈紅豆詞有有限芳時容易過。此物不應歸我之句。雖過沉痛。可謂妙絕。茲翻其意而得四絕句。

開匣驚看顆顆新。春濃南國易沾巾。君應未解相思味。紅豆拈來轉贈人。

多時欲報嶺南書。綺語重看願未虛。紅豆正須同摘好。相思何事總關渠。

歷劫情場似轉環。幾曾紅駐駐朱顏。相思早辦銷人骨。何用灰心向義山。

權憑芳草寄相思。紅豆親攜媵小詞。一樣多情風格異。君能懺悔我能癡。

寇焰二首

寇賊狩難遏。焚心寢食艱。千城烏啄屋。萬水血懷山。恥重金甌缺。
仇深鐵鳥頑。災黎逃醢殺。揮涕說鄉關。
已然風雲緊。狼煙逼近村。幾人全骨肉。一路滿鷄豚。嫂病朝攜女。
兄衰夜抱孫。未堪羸弱質。抵死棄家園。
根斷飄蓬憤。愁懷此日殊。舊交魚雁隔。遠地室家孤。夏水解輕楫。
秋風變短襦。飢軀空許國。無力斫倭奴。

柑

秋色浸村野。青林柑就黃。愛此霜露味。競摘懷袖香。鬧市飽甘旨。
肥酒易爛腸。養性貴恬適。剝食坐清光。曲江尋運命。丹橘發感傷。
我才本無用。珥貂愧金張。草木幸不乏。相悅意方長。

江村秋晚

江帆白墮蒼茫水。堤樹紅消黯淡霞。羊犢古原歸影散。農夫和月擔棉

花。

攤破浣溪沙

報載十月十五日後。寇向風波港西塞山黃石港進襲。二十六日。遂至巴河。攻鄂城。

消息頻驚失故山。生離虎口舉家難。雙眼望穿書一紙。報平安。拭淚豈堪懷戚友。截流猶幸勝冥頑。二十一日鄂城告捷職敵千人強虜未俘江漢近。灼心肝。

少年游

擬茶村今年窮

新篁露重。青松日冷。衆卉漸凋殘。飲啄人間。非吾所有。多取定難安。今何世。龜塵重掃。風雪念君山。俠骨江湖。敬亭可感。對酒自屏顏。

八聲甘州

聞武漢
吳

起茫然。熱淚溼雙眸。搔首望雲天。恨狼吞虎噬。慾深強虜。區夏兵
連。百萬僥兒肝腦。盤薄化蒼煙。忍痛拋天塹。髮怒心酸。同念俄
京勝算。誘高盧勁旅。一鼓摧。况蝦夷搆貳。莫莛自相煎。復金陵
重尋舊壘。任阿童指日下瀟船。繁華地。舞休歌歇。暫染腥羶。

水龍吟

後園秋海棠二樹初着花。

平生不識名花。海棠亂放呼人問。晚粧競艷。影飄綉戶。秋晴未穩。
小玉裁詩。輕紅寫帕。酒邊情嫩。似天桃醉曆。水仙細步。窺紅豆。
剛盈寸。蒼夢每供憔悴。審繁華異鄉無分。山寒水遠。憑高空望。
江南芳訊。黃菊餐英。也應孤負。騷人風韻。攪牆頭碎點。傷心怯對
冷村脂粉。

好事近

石牌

重疊覆蒼崖。四望青松如簇。山腹憑誰劃破。見絲絲飛瀑。雲邊烏
袖醉霜風。桃李花盈目。岡隙斜陽光閃。認鏡塵初撲。

黃陵廟

徑連苦竹獨徘徊。清澗潺湲兩度來。青柚黃柑貪買盡。明年花願爲余
開。

更漏子

三斗坪
村莊

村前樹。橋邊路。曲折清溪尋去。如薺竹。似毛松。千叢疊萬叢。
深壑裏。青煙起。放出秋山奇媚。禽自樂。蝶堪嬉。霜濃野菊肥。

新灘嶺上早望

日光成輻射。山頂各陰晴。峽浪奔雷響。風帆墜葉橫。遠煙層閣秀。
過嶺片雲輕。林臥心空淨。三巖樹自榮。

宋玉宅

在秭歸城東里許

遺宅猶傳宋玉名。騷人極遇感叢生。詞章未得規鴻業。風賦才華舉世輕。

如夢令

店子坪最高處

疑與飛仙把袂。不待持觴欲醉。直是御風行。萬壑千峯脚底。堪喜堪喜。揮手雲開雨霽。

如夢令

茶廳

鳥弄柔枝影碎。入語層巒響墜。一路看秋山。遍插鬚毛楓醉。姿媚姿媚。一縷茶煙風細。

醜奴兒

子案堪
村居

遠山重疊臨軒望。村落高低。隴畝西東。自種燕青飽過冬。逶迤樵
徑通雲細。野水橫橋。秀嶺孤松。煙霧朝刊晝霧濃。

兩嬌女篇

我家兩嬌女。見爺躍且呼。無餅攔路哭。拉爺臥泥塗。小手抱爺面。
笑爺生髭鬚。一叫還一應。共替爺刮鬚。阿華較安靜。玉雪如掌珠。
打罵仗還氣。阿娘醉模糊。靈活愛阿耀。一跌一喧呶。頭破指又裂。
娘啐無時無。平分困二姊。壺挽認衣襦。大姊阿中屬。小姊阿耀奴。
長兄歸自外。哭鬧忍須叟。轉眼齊不見。上案中相扶。四手胭脂滿。
向爺臉上敷。蕩船耀最喜。小棍擺床隅。拖車華得意。倒几曳繩粗。
華書掉紙筆。耀畫畫圖。有時歌舞。碎步少髭髯。有時華針線。
破網成蜘蛛。擾擾一室內。弄此雙鳳雛。未知懷大冶。只解念宜都。

郭西山水險。舉步皆畏途。迢遙數千里。咫尺慮萑苻。鄉居翁自樂。嘗幸免屠沽。待兒年漸長。望兒履崎嶇。爺亦有哥嫂。好景望桑榆。怡然在竅鳳。酸苦話區區。怪爺頗溺愛。呵責常枝梧。歡笑如舊態。與到倒酒壺。骨肉貴團聚。俗事任榮枯。

減字木蘭花

龍門觀瀑

巉巖匹練。捲雪彫酥花萬變。互擊空明。深谷雷喧晝夜聲。匡廬衡嶽。無佛稱尊輪瘦削。怪石牽衣。列坐崖陰戀夕暉。

虞美人

題鬱舒詩稿

生涯甘苦常相並。蓬轉風難定。梅花竹外繪春光。密密疏疏萬點認冰霜。家山縱使都依舊。破額休回首。綺年無事合吟詩。莫忘去夢中。鐵馬鬢邊絲。

虞美人

題夢樂歌哭集

新詞一疊空傳恨。紅豆心相印。那容嘗哭發狂歌。莫洗瀛洲兵氣倒銀河。人生只有昏庸好。富貴功名早。不然負腹作將軍。也得貔貅自擁鬃干城。

書來

湖上桃花每怕看。書來千里劇人肝。多緣隱語尋微隙。不信譎言積薄歡。水閣自堪橫略豹。山亭誰共倚欄杆。春光南國濃如許。紅豆翻憐欲見難。

與雪仙博文同詣淑媛山居

掃徑清談接。幽居愛翠微。榴花紅壓甕。瓜蔓綠牽衣。澗小穿簷響。雲閒繞石飛高。吟聽鳥語。應共素心違。

佛巖將遊羅溪以詩送之並寄百言敏生海

澄諸友

山川盤鬱任棲遲。舊雨逢場各擅詩。搜討莫忘工部跡。為予憑弔濼西祠。

七月二十七日穀至

童呼珠粒至。刮目快登樓。得食烝黎喜。移家江海憂。骨隨山石出。胆逐岫雲浮。遐裔飢鴻滿。巢枝許狎鷗。

南歌子

題月似
牆外集

野水晴依樹。空山翠拂衣。雲藏菖蕙竹雞啼。幸善行吟蜀道夜郎西。錯落花間句。聯翩日下姿。相娛黃絹鬱舒詩。一樣蘭荈翡翠看輕飛。

題玉書亂離詩後

並序

鬱舒將賦亂離長篇。予促成之。其用意有二。一西人譏中國無長篇紀事詩。動引荷馬史詩相炫。不知屈原離騷。實亦長篇自敘詩。其長且及五千言。為西洋所罕見。特後世詩人

。從未能使騷雅合流。致此體久廢。貽笑外邦。如能多作長篇。尚可一洗此恥。三一時代詩歌自有一時代背景。後代既非天寶。而人偏愛學工部之痛哭陳詞。即謂之為無病呻吟。固當。今大觀既啓。薄海為墟。獸蹄鳥跡。交於中國。時代更較天寶為偉大。設此時國內無偉大創作。即為有負時代。總此二義。則雖使此詩不工。其價值已可想見。鬱舒欣然染翰。越二日而詩就。長凡三四千言。灑氣流轉。自金亞匏蘭陵女兒行外。無與比也。展讀既竟。為題二律其上。並述二義

抒寫唯情景
班孟堅謂屈靈均為露才揚己
 時既非天寶
 家山鐵騎親。揮毫詩史在。鉅製讓斯人。



滿江紅

和瘦桐南泉
道德菴前

飛上枝頭。鳳與燕並翼棲息。矜麗質牡丹愁露。芙蓉厭日。水繪輕衫
端午渡。若生艷影清涼迹。縱支機有石贈天河。休重覓。堤上草。
絲抽碧。泉上道。人疑泣。爲蛾眉一掃。謗書盈尺。入耳啼鴉千種恨。
蠶叢更感深相識。把別離難易問江山。殊今昔。

施州生日

身陷恩施地。能忘武漢無。文翁先化蜀。勾踐重吞吳。落日愁難遣。

殊鄉歲易徂。嬌兒書喜讀。慶吉均
有函至遙祝倒千壺。

贈江

千迴百折出深山。行坐看君日日閒。一段溫柔流不盡。潺潺終古是潺
潺。

南歌子

接約之於大理喜洲來函云。此間自入冬以來。山巔積雪。體
體可見。幸雨季已過。山下多晴明。早晚雖寒。而日中甚暖
。休沐日。或泛丹洱海之上。或縱轡於村中大道。鄉間生活
。居之不厭。云云。倚以聲。得小詞一首。

有海纔如耳。微波可放船。皚皚積雪滿山巔。縱轡村莊晴日逞嬋娟。
易寫仙源記。雲和紙墨妍。君在忙於著述胸裏高並喜洲傳。愛道鄉居生活總
安然。

南鄉子

百言寄秋章詞有云。亂向沙場纏白骨。此騷雅之遺也。時予
在病院中。取診斷書寫和之。

細雨濕堤陰。無盡黃沙種恨深。回首江南何處是。沉吟。路遠天寒變

此心。華髮古難簪。徧歷風霜直到今。白骨青磷消息杳。休尋。扶
醉明朝拾墜金。

減字木蘭花

晴日由七里坪
至紗帽山洞望

繞村煙起。垂柳橫橋傾石髓。上下禽鳴。漸入巖根一徑深。山明野
淨。晝穉鞦韆川描不盡。插劍穿屏。落後峯尖四望青。

善楨自桂林寄贈紅梅一小枝

不爲梅堪愛。胡從千里來。寒風吹淺笑。冷雨耀初開。鄧尉香猶遠。
羅浮夢未回。巡檐生趣好。函贈運奇才。

菩薩蠻

門前桃花數株。蓀書滿樹。

異鄉慣惹情懷惡。春園幾樹桃新萼。日暖醉人風。枝頭炫嫩紅。芳時

含笑見。惜取胭脂面。客夢怨天涯。歸途正落花。

採桑子

於施南見海棠二株。紅白各一。春色竟濃如許。感賦。

才華炫盡紅兼白。別具風姿。脂粉難施。春色山城滿故枝。天涯縱
有花堪賞。冷處誰知。觸景成悲。家國同傾更此時。

送德慶負笈白沙

客中送汝淚沾衣。六口魂隨旅雁飛。時德建尙在襍中聚首故園知有日。亂平壽

稻梁肥。

述懷

密生拒不堪。屈子行所好。雲水性獨適。懶散非高蹈。循澗摘秋花。
帶露鋤秋草。閑階掃黃葉。童稚供輿卓。明月上層空。肝胆相照耀。

東學彼何人。臨風舒長嘯。

贈杖

憶汝來從惡木陰。撐持泥淥到如今。青雲朋舊應難附。追日雄心化鄧林。

自德慶去後半月計程可抵重慶而德吉又將隨學校南移二百餘里

不是天離離別難。分飛毛羽念初乾。棉衣囑咐添針線。指日山城暮雨寒。

聞有虎賁酷類中郎者趾離見邀證以難似
戲作

蓬島憐重見。飄然出洞房。枕猶虛洛浦。鞋欲炫柴桑。紅豆根應斷。

白榆種定亡。云何傳虎賁。側侍肖中郎。

瓶梅

建始無梅語豈真。和煙和月剪裁新。數枝橫插東風裏。魂斷羅山一段春。

兩年空度早春時。未涉名園合笑痴。賴有桂林紅萼滿。雙魚曾寄好花枝。

花交紅白憶松江。竹作簾旌紙作窗。共趁茅簷風日暖。飛來黃蝶總成雙。

年年處處發因時。獨擅風情衆莫知。今日對君還自笑。愛花人已鬢成絲。

山城猶得見新梅。春色知從大地回。欲瀉銀河枝幹洗。龍蟠錦綉待重開。

屋角桃花

半折夭桃四五枝。竹邊含笑却因誰。新紅百點春光在。艷質濃香肯自私。

春遊口號

嫩晴天氣着青袍。楊柳風輕粉蝶高。到眼好花看不足。村前李杏潤邊桃。

春風十里蕪初肥。撲鼻濃香斷處稀。愛煞日行芳徑裏。菜花黃粉點人衣。

麗葉書來寄答

一春纔到一封書。却道纏綿病月餘。憂患兩間消不得。姮娥原亦有盈虛。

對影依然漢上人。罡風猶護嬾娜身。不應方寸春愁入。峻茂萱開讓獨親。

七月十一日晨坐清江峽口

輕風拂拂柳絲柔。急水明沙攔小舟。高下煙篁籠草屋。斷崖蒼翠撲襟流。

雙調望江南

中秋前一日遊下八觀。留宿荆宜師管區徐司令復觀兄處。因贈。復觀並爲言其鄉先正熊先生。有一樹桃花開欲盡。往來兒女不關情之句。故下闕及之云。

蟾魄淨。流影到窗紗。明夜清光知更好。金甌無缺照中華。同玩屬君家。量玉桂。素蕊正含葩。若使小桃開不落。往來兒女定爭誇。何況月中花。

村居即景

豆花搖曳野晴初。繞石穿沙竹影疏。籬角數株桃似錦。更添活水長溪魚。

艷妝

點綴昇平一味忙。歡騰日下競飛揚。從來金粉光青史。合有珠勳擬艷裝。

哀芍藥

芍藥三朵。出毛蕒中。更被摧折。詩以傷之。芍藥一名將離子疑卽離騷之江離也

毛蕒如何可擁離。不栽蘭蕙嘆同時。漢鏡歌云擁離趾中可築室何用茸之用蘭蕙燕支負却傾色。

城忍淚村童斷穉枝。

飢腹虛將秀色餐。蓬門何用舞承盤。託根非地淵明悔。籬芍江桑一例看。
淵明詩本不植高。原今日復何悔。

阮郎歸

抵重慶二月無詩。暇日偶散步歌樂山麓之紅槽房。隨得此。
數痕衰柳鴨兒灣。秋心淡似煙。蘆花頭白怨輕寒。西風把釣竿。塵
事遠。客身閒。橋邊木葉乾。夢魂何處逐團團。嘉陵山外山。

減字木蘭花

由芭蕉溝
至雲頂寺

石橋竹徑。深澗人家鷄犬靜。泉響山空。野菊香飄谷口風。迷濛細雨。
一氣繁華知甚處。鳥道雲飛。古寺凌霄萬木低。

與賞世象明遊南溫泉夜泛花溪

園林葱鬱不知秋。望裏冰花霧縠浮。九折清溪撐漿去。載將明月滿扁舟。

幽徑瓊花次第栽。海棠舒葉石榴開。飛泉素句留眞賞。應待詞仙珥筆來。
百言尙隔廿里
是日不及約

南渝觀梅

同遊者麗篁瘦
桐子健象明

逸懷未共世情遠。不斷濃香梅香實濃逋仙稱之曰暗以少故耳撲客衣。早固可誇遲倍好。也宜繁密也宜稀。

前時覓句到汪山。
汪由有紅綠梅數千株倩影偏宜水一灣。千樹若能招蠟。栽培須耐匠人頑。

十月廿日夜夢阿兄醒得短律

七載天涯面。冥宵夢再逢。團圓知燕幕。轉徙怯萍蹤。水隔雙魚闊。
霜侵兩鬢濃。清平期永聚。遙祝後彫松。

寄麗葉

涼秋紅豆尙青枝。南國風光最耐思。不識嶺梅花與葉。一開一謝可同
時。

土沱入峽

鏡爲秋水黛爲巒。雲樹東西帶淺灘。奇媚嘉陵如靜女。縱教入峽亦心
安。

滿江紅

諸生參加遠征軍者三十五人。詞以送之。

萬里從戎。傾不盡滿腔熱血。似雷電縱橫掃蕩。倭酋胆裂。聯袂晨飛
夔瓦雨。停鞍夜飲檳榔月。共盟軍轉戰定南溟。煙波闊。東條禍。
迫眉睫。昭和運。全銷歇。算扶桑空曠。落花如雪。幾輩書生銅柱願
一時偉績燕然埒。唱驪歌入耳掌聲歡。歡難竭。

望江梅

題太谷梅花

紅與白。雙絕畫中梅。飽占人間風雪味。數枝忽向指頭開。一意挽春
同。

夏攜德慶歸建始諸女弟釀資爲贖笑以詩

謝之

雲水從無去住心。飄然一棹爲行吟。清風明月都吾有。何用纍纍滿橐
金。


跋

此先生之佚詩也。先生之詩前後凡四結集。第一，爲憶梅庵賸稿。續稿。三稿。北遊集。白蓮集。吳君淑梅劉君靜英合編爲憶梅庵詩詞稿。七卷四百九十一首。第二，爲梅夢詩梅影詞。唐君葆箴編。一卷二百七十九首。第三，爲美人禪集，南遊集初集，雙紅豆吟草，紅萼無言集。吳君鬱舒合編爲香雪微吟。十卷三百六十四首。第四，爲三地藁。王君功英編。一卷百零二首。茲乃取各編所未載之稿百七十三首。附以重慶寄予之作十二首。別編爲蓓蕾集云。劉麗葉

啓
雷
集

五
六

0558



BC

6